



13 №

лөддза-номья 26 лун

2015 во

Ок, Эжов, Эжов, чужан пельос



Снимокыс Евгений КОЗЛОВЛӨН.

Неважөн И.А.Куратов нима литературной музейын нимөдисны коми поэт Евгений Козловлысь «Ок, Эжов, Эжов, чужан пельос» фотовыставка. Евгений Валерианович снимайтö уна во нин. Сийö вöралысь моз оз кый лэбач-зверöс, оз корсь вотöс-тшак, а босьтö лолас вөр-ваыслысь помасьлыгтöм мичлунсö. Снимок пыр козьналö, гашкö, öти мортлы либö весиг уналы кывбур. И гижöдсö серпас пырыс морт думайтö ачыс. Автор да фотосö видзöдысь костын чужö сёрни, кодöс найö öта-мöдсяныс некор оз тöдмавны. Поэт мөвпалö аддзöмтор вылас. Шуам, тайö фотын, чалбысь исковтысь войтысь Евгений Козлов синйöма мамсö. То ылын, быттö тыдалö сьöд чут — мамыс восьлалö пывсянлань. Кор ыджыд войтын тiпкö мамлөн сьöлөм - лолыд сибдылö.

Думайтi выставка йывсьыс, вежöрам бергöдлi выльысь быд снимок. И мыйлакö воис гөгөрвоом: медшöр образыс тайö выставкаас — ва. Кор видзöдан ваö — рөмпöштанысь моз аддзан ассьыд мыгöртö. Ваыс сылөн фотоясас абу гудыр. Сöдз. Гашкö, Евгений Козлов виччысьö васяныс мөвп, медся ыджыд мөвп, кодла мортыс и волö му вылö гөститны.

Евгений Валериановичлөн неыджыд фотовыставка волысьяслы вайыс ыджыд радлун. Тайö радуныс, вöлөмкö, олö вөр-валөн быд серын, быд здукин. Куж сийöс и тэ кыйны. И кутлас кө тэнö аслас сывйын шемöс, гашкö, и тэ кодлыкö восьтан дивö!

Иверень.



Вой кыалөн уна пөлөс көсынка



Чолөм, Краснощельё!

Асывнас бара петім туйө. Краснощельё сиктөдз мунім вель дыр. Сэтчө воөм бөрүн мянтө паныдалісны няньөн-солөн. Оломаяс матыстчылісны мяян дорө да юасисны, коді кытысь воөма. А кор төдмалісны, мый пөшти ставөн изьвасаяс — синманыс öзйис раддун. И быдөнлы окота вөлі аддзыны ассыс рөдвужсө, кодөс некор на эз паныдавлы. Тайө здукас кылі и аддзи, мый йөз пырыс визувтө Изьва ю! И тайө войтырыс зэв вынаөсь!

Женя, тэкөд торья сёрни!

Но öтитор бөрүннас падмөдіс менө — көр видзсысьяскөд варовитөм бөрүн гөгөрвои, мый налы абу окота мяянкөд юксыны көр оломөн. И найө зэв мудера тайө сёрнисө вештісны бокө. А сэсса со мый чуймөдіс менө: мяян экспедицияын вөлі Изьва районса Кипиево сиктысь Женя Ануфриев. Көр видзсысьяс төдмаліс-

ны, мый тайө зонмыс тшөтш ветлө тундраө, гөгөрвоө сэтчөс оласногсө. Налы лои нимкодь, и мужичөйяс корисны Женяөс торья сёрни вылө. Сөмын Женялы көр видзсысьяс висьтасисны сэтчөс олом-вылөм, сьөкыд удж йылысь.

Бөрья салют!

Зэв окотапырысь ставөн босьтчим лэптыны чум. Миша Бараковский нуөдіс мяянөс кытчөкө вөр шөрас. Сиктса том войтыр вайисны мохота, ы (чум кутысь потшьяс, мый вылө зэвтөма көр кучикьяссө, ставыс нелямын ы) да кутісны велөдны карны чум. Чумйыс артмис да, — пытшкас зоньяс лөсьөдісны пач, ломтісны сійөс. И шуисны, мый сәні позьө овны. Дерт, нинөм паныд эг шуөй. Радлім! Но первой войсө сән коляліс Петербургса музейын уджалысьыд — Алексей Чувьуров.

Асывнас сійө висьтасис, мый кор дзикөдз ывлаас пемдөма, сійө кутөма кывны гөгөрвотөм шыяс. Повзыштөма. Сэсса зептас пунктөма ракетница да петөма ывлаө. Алексей Александрович гөгөрбок видзөдлөма и аддзөма зэв уна югьялысь син! Көиньяс! Думьштөма тадзи. И бөрья олан здукыс сылөн чум дорын! И сійө кысқөма зепсыс ракетницасө, öзтөма сійөс и енэжас аслыс лэдзөма бөрья салют! А сэсса гөгөрвоөма: вөлөмкө, чумсө кытшалөны көрьяс. Ёна и ас вылас сералөма! Көрьяс, дерт жө, повзисны татшөм чудной мортсыд!

Виччысим вертолёт

Войыс вөчис нөшта öти кытш. Асывсянныс ми виччысим вертолөтөн локтысь төдчана гөсьтөс, Дмитрий Крыловөс, «Непутёвые



заметки» передача нуодысьос. Кор сійо воис миян оланінö, чумйö — паныдалім сійос коми сьыланкывъясөн, сэссия чумйын көзьяинъяс (бөрйим Изьва районса Краснобор сиктысь Гриша Пыстинос да Ухта карысь Вика Габоваос) дона гөсьтос корисны оланінас, гөститодісны коми пөжасъясөн, көр яйөн да чериөн. Висьтасисны чумйын олөм-вылөм йылысь. Дмитрий Крыловлы лои нимкодь, мый чумйын татшөм шань көзьяинъяс. Сійо висьталіс, мый изьвасаяс зэв сибыд йөз, гөсьтлы нинөм оз жалитны.

Чеуна гажтөм...

Меным сэтшөма тундраад кажитчис, мый век полі мунан лунсыс. Но тайö здукыс воис. Бөръя рытас ёна и лолөй нетшкысис, но радлун чужис сысысь, мый татчө войвыв муас мойвиис воыны, лолавны татчөс сынөд-нас, войлыны көръясөн.

Молодечьяс!

Ёна нимкодь вөлі и сысысь, мый бөръя рытас миян экспедицияысь бөрйим медся водзмөстчысь мортос. Тайö Ухта карысь «Томулов» котырөн веськөдлысь Виктория Габова. Збылысь, сійо кужö ас дінас сибодны быдөнös. Вика оз вывтіась, оз ышмы. Аслас прөстлунөн уна мортлы сьолөмас öзтіс ломзысь битор, чужтіс виль мөвпъяс. И сыкөд мунысьыд — некор некытчö оз сибды, оз вош.

Бур и, мый миян лыдын аддзисис чумйын уджалысь аныд. Тайö Наръян-Марысь Олеся Рочева. Казытыла, кыдзи асывводз сэтшөм дыш ставлы чечыны, медым пуны рок, мыськыны доздукъяс, пелькөдны оланінсö. А Олеся век медводзаөн зілис чечыны и ставсö удитіс вöчны.

Медшөр көр видзысьнас бөрйим Краснощельö сиктысь Семён Терентьевös. Тайö зонмыс кывкутысь, зіль, вына. А татшөм мортыд тундраад ёна колö. Молодечьяс!



P.S.

Да, збылысь, тайö экспедицияыс öтүвтис том изьватасос, велөдіс лоны кывкутысьөн быдпөлос лоөмторйын, видзны да кутны топыд йитөдъяс мукөд муын изьватаскөд.

Öні со думайта да, кадыс тундраад дзик вөлі мөдөн. Талунъя мортлы оз тырмы йитөдыс вөрваыскөд. А вөлі кө мөд ног — му вылас эськө радейтөмыс вевтыртіс став лёксö, войнаяссö. Татшөмсяма ветлөмыс, збылысь, вежөрад унатор гугөдö, и зілян видзны тэнö кытшалысь мирсö, кывкутны быд шуөм кыв вöсна.

*Лист бокъяссö дасьтіс Любовь Ануфриева.
Снимокъясыс Виктория Габовалөн.
Пом.*



Мама-ныла к

Мишук пилы

Муса пий, лок вай, лок.
Батъыд-мамыд виччысьоны,
Чоя-вока виччысьоны.
Окаласны ки да кок.

Батъыд удал чери кыйны,
Коз пу йылысь пөтка лыйны.
Пыжнас катан шлыв да шлыв.

Мамыд сера дөрөм вурас,
Дінас гач да көті сюрас.
Көсьян — йөкты, көсьян — сьыв.

Чоя-вока гажодасны,
Чибө-вөлөн рөдгөдасны.
Ворсан дзуми-люки-дзум.

Ыджыд батъыд черсө сетлас,
Ыджыд мамыд ягө ветлас.
Няман пувсө шлум да шлум.

Вөрыс-ваыс быдсөн виччө,
Шоныдсө да бурсө видзө.
Муса пий, лок вай, лок.

Батълөн-мамлөн гажыс быри,
Чоя-воклөн гажыс быри.
Окаласны ки да кок.

Батъө, мыйла та дыра он лок?..
Тэ өд төдан, кымынлы тэ колан!
Бөрдө гөтыр, челядь, чой да вок,
Пөрысь мамыд виччысьөмөн олө.

Вежыньтчөма тэтөг керка стен,
Быри өшинь улысь уджсө индысь.
Орччөн пуксьөмөн он висътав нем,
Он нин воськовт пивсянысь да гидысь.

Батъө, көні өні тэнад горт?
Кытысь корсян аслыд сьөлөм личөд?
Сылін өти здукөн, дона морт,
Колин сөмын казътылөмъяс видзны.



Алёна Старцева

остын гусятар

Кристина чойлы

Кор мамой разис тубрас — шемос босьтис:
Ми водзын куйлис ёкмыль — ки да кок.
А кагук нюммунис да синсё восьтис:
— Ме тиян динё локти, чой да вок.

Ми оттшотш кутам быдмыны да ворсны,
И лун да войсё гартлам уна ног.
Ми бур да лёксё отув кутам корсьны
Да бёрдам отув — юкам ыджыд шог...

Чов сулалі да лыдди чойлөн синмысь
Виль олөмыслы помтөг эскан би.
И тайо биыс сёлөмгясам инмис
Да чужтис радлун — отлаынось ми!

Вижөн өзйысь вылысбокса виддзё
Котортла ме көмтөг асьядор.
Уна во нин гоҗся лудыс видзё
Мама-ныла костысь гусятар.

Купальнича — чужан лунся козин —
Мамлы өктөм ки тыр гоҗся мич.
Югыд казтылөмгяс дона мортлы козънав,
Висьөмысь да жугыльлунысь видз!

Коми кывйөн лолала да ола,
Коми кывйөн мамө динё вола.
Коми кывйөн сывны-мойдны кужа.
Коми кывйөн уна вёлөк вуджа.

Коми кывсё корся ёлысь, виддзысь.
Коми кывсё лелькуйта да видза.
Коми кывсё йылөмгяслы сета —
Медся мича кывсё вольной светас!

Снимокыс Евгений КОЗЛОВЛОН.


«Свөлөмсянь свөлөмө тэчсвөм туй медся эскана...»

Снимокс Ирина КАМИНИНАЛӨН.



Коми гижысь Елена Афанасьевалөн чужаниныс — Удораса Важгорт сикт, и гортас волігөн сійө век аддзысьлө велөдчысь-яскөд. Со и ода-кора төлысь бөръя лунъясь ми котыртчылім сиктса музейö, медым варовитыштны мияны дона морткөд, 5-6 класса велөдчысьяс дасьтисны гижысьлы юалөмъяс, на гөгөр и тэчис сёрниным. Уна мөвп чужтө челядь пытшкын Елена Евгеньевналөн «Эжөр-вежөр» небөг, буретш

тайö книгаыскөд воысь воö миян школаын төдмасьöны 9-12 арöса ныв-зон. Пытшкөс-са позянлуныс тайö небөглөн ыджыд; пыдї мөвпа висьтъясыс «восьтöны» быдмысь мортлысь ловсö, садьмөдöны сьөлөмсö, аскылөмсö да кольöны югыдтор олөмбыд кежлö. Уна мөвпалан визь восьтö «Эжөр-вежөр»: мый вайö мортлы шуд и шог, велөдö кывны асьтö, аддзыны олөм здукысь помтөм мич да шемöс, восьтö орчча мортлысь сьөлөм, ышөдö мөд синмөн видзөдны олөм вылö. Тайö аддзысьлөм дырйи челядь юасисны, дыр-ö гижысь уджаліс «Эжөр-вежөр» вылын, и збыль-ö сійö, мый йылысь гижö автор, кутшөм висьт медьёна кажитчö аслыс. Юалісны «Öти лапъя пожөм» висьт йылысь, збыль-ö татшөм пуыс вöлі? Елена Афанасьева вочавидзис, мый öти лапъя пожөм пукöд сійö дыр кад чөж вочаасьліс да кутліс öти лапсö ки пыдди чолөмасигөн, а öтчыд эз аддзы сійöс: кодкө кералөма том пусö, и дыр кад чөж ёртöс воштöмла дойыс олөма морöс пытшкас. Елена Евгеньевна төдчөдіс, мый быд висьт — збыль олөм здукъяс да челядьдыр казтылөм. Велөдчысьяс юасисны гижысьлысь, мый медьёна радейтö олөмас, кыдзи босьтчис гижны да дыр-ö уджалö öти кывбур вылын, кодөн көсйис лоны челядь дырйиыс, вöвлі-ö ылі муясын. Сетісны и сэтшөм юалөмъяс, кор вочакыв пырысьтөм-пыр оз сюр: «Мыйтөг оз позь овны?»



Мый колө ставлы?» Елена Евгеньевна пасйис, мый важгортса ныв-зон – писькөс вежөра, сюсь войтыр. А шудсө поэь аддыны коть кор: «Быд асыв, выль лун заводитчигөн, эм ловтө ышөдан сэтшөм здук, кор пытшкөснад кылан локтысь луныслысь югыдсө, и окота помтөг овны!» - юксис сьолөмкылөм-нас поэт.

Сёрни мунис и Ву йылысь да сы гөгөр гартчысь ичөт юяс йылысь. Вуным ямө, бырө, и помкаыс таын – Удораын дыр кад болгараён вөр пөрөдөмын. Мый колис на бөрүн? Пөрөдны кокни, а бөр быдтөм вылө колө уна дас во. «Кыдзи ми вермам отсавны юнымлы?» - вөлі челядьсянь юалөм. Гижысь вочавидзис, мый ас гижөдьясөн, сёрни кыпөдөмөн, мытшөдьяссө гөгөрвоөмөн нин ми вермам сетны отсөг юлы, ог кө кольө веськодьён ю олөм дорө, өд юяс визувтө и морт пыр, писькөдас кө морт ас пытшкөд ва туй. Со и «Б!» газет шыөдчис ныв-зон дорө ичөт юяс йылысь висьт-корсысьсьомьяс дасытыны. Ачыс газетыс новлө ичөт юлысь ним, и кутам лача, мый регыдя кадөн сийө сяммас тэчны быд лыддысьсысь дорө ловтө пөткөдысь туй.

Елена Евгеньевна кыпөдис и сэтшөм сёрни, мый Важгорт сиктлөн шөрыс, көни сулалис вичко, а сэсса сэни дыр кад чөж вөлі клуб, өни зэв шуштөм: пөлясөн кыпөдлөм стрөйбаыс сотчис. Колө тайө местасө ловзьөдны – лөсьөдны лыска пуяса сад, и вөчны тайөс быдмысь войтырлы, медым пуяслөн быдмөмкөд вөрсяммисны и ныв-зон. Кор мыйкө бырө, мед мыйкө и содө.

Аддысьлөм колис югыд казтылөм да лолөн аския лунө эскөм. Татшөм сёрниыс челядьлы зэв колана, өд олам ыджыд мирысь бокин, и коть өни эм интернет, а ловья сёрниысь бурджыкыс нем абу. Сьолөмсянь сьолөмө тэчсьөм туй медся эскана.

*Ирина КАЛИНИНА,
Важгорт школаын коми кыв да литература велөдысь.*



Снимок вылын: И.В.Калинина - Важгорт школаса велөдысь, В.П.Бозова - Важгорт сиктса ань, вөр-ва радейтысь морт да 5-6 класса велөдчысяс.

Баяр Люба

*Тырымьон оти ичотик ошинь,
мед радлыны оломыслы...*

Евгений Козлов

Радлун

Шонділысь платтё божсё адзылі чардакысь асыводз. Асьсё эг су. А Тэ йылысь гусяторйос верми сомын сылы вашкөдны. Пукси ошинь дорё. Садын гөграліс-лэбаліс еджыд бобув. Сійё, көнкө, воис Шондісянь?! Висьтасы кө сылы — нуас сёрнисё менам асья гөстялы.

Аски асыводз, другысь кө, бара сёрма... шондіыс кывсё зарни югөрөн коляс юрлөс улам.

Висьтасы, висьтасы ошинь пырыс бобувлы. И эг мөвпыштлы весиг, мый сійё — Тэ. Шондіыс, вөлөмкө, сьөлөм тпкөмсьым водзвыв лыддьёма гусяторйос, ыстөма Тэнö мелань, од оломсö сэсса эг вежөрт Тэтөг.

Мича бобулыс пуксис катшасин сырйё. Тайö дзоридз пырыс, тайö ошинь пырыс Тэ сывъялін менö! Дзонь катшасина видз колин меö, бурдөдін лолөс радлунөн.

